

恩施縣志卷之一

地理志

沿革

疆域

形勢

星野

山川

古蹟

謹按志地首重沿革沿革明則疆域定而後睹形勢之勝測分野之經攬山水之雄觀溯前古之遺蹟爰次第書之志地理

沿革

恩施縣倚郭爲禹貢荆梁二州之域春秋爲巴國界

恩施縣志

卷一

沿革

戰國屬楚巫郡地秦屬黔中郡漢屬南郡三國吳及晉屬建平郡後周置亭州及清江郡隋初郡廢州存大業初改名庸州治清江縣尋改州爲清江郡義寧初改爲施州唐以州隸江南道開元間改清江郡天寶初改清化郡乾元初復爲施州宋屬四川夔州路元以清江縣省入州屬夔州路明洪武初仍置施州屬夔州府後置施州衛二十三年省州入衛改置施州衛軍民指揮使屬湖廣都司編戶三里領軍民千戶所一宣撫司三安撫司八長官司八蠻夷長官司



五而容美長官亦在境內焉本志一統志

後漢書南蠻列傳巴郡南郡蠻本有五姓巴氏樊氏覃

音審氏相氏鄭氏皆出於武落鍾離山代本日廩君之先故出巫

誕也其山有赤黑二穴巴氏之子生於赤穴四姓之子

皆生黑穴未有君長俱事鬼神乃共擲劍於石穴約

能中者奉以為君巴氏之子務先乃獨中之眾皆歎

服又令各乘土船約能浮者當以為君餘悉沉惟務

相獨浮因共立之是為廩君乃乘土船從夷水至鹽

陽荆州圖曰副夷縣有溫泉古老相傳此水元出鹽於今水有鹽氣縣西一獨山有石穴有二大石並

恩施縣志

卷一

沿革

二

立穴中相去可一丈俗名為陰陽石陰石常濕陽石常燥盛宏之荆州記曰昔廩君浮夷水射鹽神於陽

石之上接今施州清江縣水一名鹽水源出清江縣西都亭山水經云夷水巴郡魚復縣注云水色清照

十丈分沙石蜀人見澄清因名清江也○劉攽云注夷水巴郡魚復縣接文少一經字

鹽水有神女謂廩君曰此地廣大魚鹽所出願留其

居廩君不許鹽神暮輒來取宿旦即化為蟲與諸蟲

羣飛掩蔽日光天地晦冥積十餘日廩君思其便因

射殺之天乃開明代本日廩君使人操青縷以遺鹽神曰嬰此即相宜云與女俱生宜

將去鹽神受縷而嬰之廩君即立陽石應青女而射之中鹽神神死天乃大開也○劉攽曰注即相宜

云與女俱生宜將去廩君於是君乎夷城四姓皆臣按文少一不字

之廩君死魂魄世爲白虎巴氏以虎飲人血遂以人
祀焉及秦惠王并巴中以巴氏爲蠻夷君長世尙秦
女其民爵比不更劉放曰按巴氏之君可有爵
耳民何故輒得之明衍民字有罪
得以爵除其君長

漢興南郡太守勒疆請一依秦時故事

三國志吳志永安三年七月分宜都郡置建平郡

晉書地理志荊州建平郡吳晉各有建平郡太
康元年合統縣入巫北井

泰昌信陵興山建始秭歸沙渠

宋書地理志建平太守吳孫休永安三年分宜都立領

恩施縣志

卷一

沿革

三

信陵興山秭歸沙渠四縣晉有建平都守尉領巫北
井泰昌建始四縣晉武帝咸寧元年改都尉爲郡於
吳晉各有建平郡太康元年吳平併合五年省建始
縣後復立永初郡國有南陵建始信陵興山永新永
寧平樂七縣今並無按太康地志無南陵永新永寧
平樂新鄉五縣疑是江左所立信陵興山沙渠疑是
吳立建始晉初所立也領縣七按下載戶口總
一郡計今不錄巫秭
歸歸鄉北井泰昌沙渠晉起居注太康元年立按沙
渠吳建平郡所領吳平不應

方立新鄉
未詳

隋書地理志清江郡後周置亭州大業初改為庸州統縣五戶二千六

百五十八 鹽水後周置縣並置資田郡開皇初郡廢大業初置清江郡巴山

梁置宜都郡宜昌縣後周江州開皇初置清江縣清

江後周置施州及清江郡開皇初郡廢五開夷後周

鳥飛開皇建始後漢置業州及軍屯郡開皇初

唐書地理志施州清化郡本清江郡天寶元年更名縣

二清江義寧元年置開夷縣武德元年省入焉建始義寧二年置業州貞觀八年州廢

宋史地理志夔州路施州下清江郡軍事元豐戶一萬

九千八百四縣二清江中下有歌羅永寧細沙寧邊尖木夷平六砦熙寧六年五

恩施縣志 卷一 沿革 四

元省施州永興砦置夷平砦元豐三年七月廢永寧置行廊安確二砦建始

元史地理志夔路下。按戶口總一路計不能分晰不錄至元十五年立

夔州路總管府以施隸焉施州下唐改清江郡又改清化郡又復為施州

宋因舊領清江建始二縣至元二十二年併清江入

州領一縣建始世祖本紀至元二十五年以施州之清江縣隸夔路總管

明史地理志施州衛軍民指揮使司元施州屬四川洪

武初省十四年五月復置屬夔州府六月兼置施州

衛軍民指揮使司屬四川都司十二月屬湖廣都司

後州廢存衛北有都亭山東有連珠山五峰關在

川黔江縣流入一名夷水亦曰黔江諸水皆入焉下流至宜都縣入於大江 轄五里三所 三十一土司市郭里都亭里崇寧里附郭左右中三所大田軍民千戶所支羅鎮守百戶所

國朝初尚仍明制雍正七年改衛為恩施縣隸直隸歸州 雍正十三年各土司呈請歸流湖廣總督題以土司各境並原設恩施縣地增為一府撥建始還設施南府轄六縣恩施縣附郭

沿革表

夏 周 秦 漢 三 晉 宋 梁 東 魏 後 隋 唐 五 宋 元 明

恩施縣志

卷一

沿革

五

荆梁為夔屬黔屬南屬吳吳晉因之置宜州郡置亭開皇開元屬蜀屬夔立夔初因二州子國中郡郡丞永安各有之地地春 縣地三年建平 秋為 巴國 界戰 國屬 楚巫 郡地 置建郡太 平郡康元 領縣年合 四沙統縣 渠屬八一 焉 沙渠

都郡治不州又初郡改清 置縣置施廢州江郡 州及存大天寶 清江業改更各 郡 庸州清化 治清郡乾 江縣元復 義寧為施 改為州隸 施州江南 隸荆道 州總 管

州路州路之洪 總管武十 府施四年 州隸置施 焉領州衛 清江軍民 建始揮使 三縣司屬 四川 都司 後改 州總 管 司

國朝初屬湖北荆州府雍正六年改衛為恩施縣隸直隸歸州十三年改施南府乾隆元年以原設恩施附郭

疆域

恩施縣舊施州衛地爲附府首邑隸湖北布政使司在省城西

一正東自縣城二十五里至蓮花池由此十五里至三岔口由此十五里至風水河由此二十里至天生橋由此二十里至新塘由此七十里至紅土溪由此四十里至石灰窰卽卜箇棚交宜昌所屬鶴峰州界

一正東自蓮花池二十五里至和灣由此四十里至沙子地由此二十里至花被村由此二十里至新渡壩由此四十里至施州塘交建始金鹿塘界施州塘山下卽眠羊口河可通舟楫直達荊州府屬宜都縣乃

恩施縣志

卷一

疆域

六

清江匯川江之處

一東之迤南自縣城十五里至鴨子塘由此二十里至長沙河由此二十五里至萬寨卽抵宣恩界由萬寨左走三十里至木栗園由此三十里至水沙壩由此二十里至城牆口皆交宣恩界又由城牆口五十里可達石灰窰地方

一東之迤北自蓮花池二十五里至了沱峪由此十八里至一桶水由此七里至響板溪由此十五里至南里渡由此十五里至鴉鵲水由此七里至滾龍壩由

此十五里至崔家壩由此七里至石梯子交建始界
一正南自縣城十五里至天橋由此二十里至蠻札籠
由此十里至乾溪由此十里至九道水由此十里至
抱木埡交宣恩界

一南之迤東自蠻札籠十五里至兩河口由此十里至
黃泥塘王家村兩地皆交宣恩縣界

一南之迤西由縣城二十五里至瓦屋壩由此三十里
至芭蕉由此四十里至桅桿堡由此十里至瓦窰水
由此十五里至瑪瑙河由此十五里至盛家壩由此

恩施縣志

卷一

疆域

七

十里至下營壩由此十里至大吉場由此二十里至
牛欄口卡南與宣恩太平壩接界西與咸豐乾 十
人坪接界北與利川茅壩接界其地犬牙交錯洵屬
要隘也

一正西自縣城十里至高橋壩由此十里至石頭坡由
此五里至阮家壩由此十里至三岔口由此十里至
白果壩由此三十里至兩河口由此三十里至見天
壩西與利川馬鬃嶺交界南與宣恩水田壩交界

一西之迤南自兩河口三十里至牛滾壩卽柘林溪與

南鄉盛家壩交界

一西之迤北由高橋壩五里至馬家坪由此五里至大坡由此二十里至大蒜園由此二十里至善孔壩與北鄉羅針田接界

一正北自縣城三十里至向家村由此十里至三龍壩由此五里至衣角壩由此十五里至杉木壩由此二十五里至乾樹壩由此三十五里至太陽河由此十五里至石乳關交四川奉節界又由太陽河一十里至倒籬亦交四川奉節界

恩施縣志

卷一

疆域

八

一正北自縣城左三十里至小龍潭由此五里至金龍壩由此二十五里至龍馬由此三十里至青堡由此二十里至風流溪交四川奉節界

一北之迤東自向家村十五里至雞心籠由此十里至白岩頭由此十五里至巒山子由十五里至白楊坪由此十里至龍駒河交建始界又由雞心籠十五里至羊角壩由此三里至熊家岩交東鄉南里渡界一北之迤西自縣城二十里至方家壩由此一十里至豬圈門由此十里至鴨松溪由此二十里至屯堡由

此三十里至江椿壩由此三十里至土峰凸由此四十里至板橋交四川奉節界又由屯堡三十里至馬者由此二十里至木貢由此十里至木撫由此十里至七渡河交利川界又由豬圈門二十五里至黃草坡由此十里至沙子門由此十五里至羅針田由此十里至梨兒坡交利川石板頂界東西距二百七十里南北距二百六十里週圍九百八十里至省一千九百八十七里至

京師三千七百里

恩施縣志

卷一

形勢

九

形勢

五峰環其東客星峙其西天樓面其南石乳擁其北清江麟溪合流於前方輿勝覽

東臨荆湖西抵巴蜀近瞰巫峽遠控夜郎

湖廣通志

楚蜀咽喉之會荆彝聯絡之區關隘縱橫山川險固南土要害地也

外蔽夔峽內遶溪山自巴蜀而瞰荆楚者恆以此爲出奇之道

江清似鏡山纍如珠仙亭聳翠古塔干雲

清江北來曲繞城東南入峽口兩山壁立對峙如門城
西藥水麒麟巴公諸溪支流至此一合春夏水漲廻
瀾疊雪洶屬大觀峽口舊有寺今廢

問月亭在城北門外碧波降上下臨清江相傳太白過
此把酒問月亭久圯咸豐七年太守陳公壽圖捐廉
議建未始事奉調去八年太守朱公啟仁築基石材
亭始立迨同治三年太守夏公錫麒復斂貲鳩工乃落成
焉

文筆峰正當南離雙峰聳翠卓立如筆一名雙翠

恩施縣志

卷一

形勢

十

五峰山在城東纍如貫珠清江環其麓水秀山明洵一
城之勝也

龍洞在城東十五里中有泉子午必潮歲旱禱雨屢應
同治丙寅夏旱邑侯朱三恪往禱雨爰建廟祀之
猿啼山城西複嶺相連橫亘天表三冬積雪較他山獨深
焉里人以雪盛占來歲有年

官坡在城東門外下當清江渡口朝陽初上水光日影
交相映射極爲可觀

客星山城西五里重嶂複嶺每當夕陽在山餘霞徧照

如萬道金繩洵巨觀也

星野

星經翼二十八星十八度

星經軫四星凡十七度

禹貢荆梁二州之域天文翼軫分野

明一統志

江南道古揚州南境岳鄂潭衡永道郴邵黔辰錦施

敘樊夷播思費南溪榛爲鶉尾分

唐地理志

南郡江夏零陵桂陽武陵長沙及漢中汝南諸郡皆

古荆州而同分翼軫今之江陵公安石首松滋枝

恩施縣志

卷一

星野

十一

江夷陵宜都長陽遠安歸州巴東興山則荆之南

郡止分翼四度而襄陽宜城南漳及安陸鍾祥潛

江荆門當陽沔陽天門華容之東境與焉由施州

溯瞿塘諸衛其地跨梁益屬巴郡參入度井鬼相

接之野而荆其餘分

舊荆州府志

九州十二域各有分星或係之北斗或係之二十

八宿或係之五星夔州荆梁二州之域州主於衡

梁主於開陽此係之北斗者也鶉尾之次其州曰

荆實沈之次其州曰梁此係之二十八宿者也熒

惑主楚鎮星主梁此係之五星者也夔界其中厥宿翼軫厥次鶉首厥辰爲未厥星熒惑厥斗衡皆

其分野舊夔州志

南方七宿曰鶉首鶉火鶉尾石氏星經云南宮赤帝其精朱鳥爲七宿井首鬼目柳喙星頸張嗥翼翻軫尾司夏司火司南嶽蓋鶉無尾故以軫爲尾也午上有鶉鳥星在星之東首西尾東故爲朱鳥星未爲鶉首巳爲鶉尾南嶽正當午位而申分則所屬之躔次可得而言矣今按晉之南郡止自遠

恩施縣志

卷一

星野

十三

安以下其夷陵而上則別爲建平郡而隸之夔故分止翼十度作荆志者乃並歸州巴東長陽興山數之是將建平一郡混入南郡大非晉書之意不然施州與巴東接壤安有巴東入翼十度而自施以上卽入井鬼相接者乎以天之午位分之施直南嶽稍西則夔志云其次鶉首其辰未者甚爲有據又按永順施東境也翼軫分野夔施西境也翼軫分野則施雖分翼而其與軫相接也明矣湖廣通志所云星蜀地楚文獻通考所云得秦餘分者

亦占驗之一助云爾其實施去房陵白帝尙遠也

然則地固楚星亦楚謂翼分野亦可惟巴東爲入

翼十度則施郡分野不明此大不可也

宋氏府志稿

施本楚地星亦楚分一統志所云翼軫分野者本無可疑自宋氏採及荆夔二志遂滋疑竇其論以荆志爲非以夔志爲可據實則鶉首之次其辰未者卽屬井鬼宋氏蓋不明列宿之位也要之施屬荆州翼軫分野唐書天文志地理志已有明文不得因地接梁益遂疑分野之有異也又晉書地理

恩施縣志

卷一

分野

十三

志建平與南郡俱屬荆州宋氏謂建平隸夔者亦無據施州至宋始隸夔州路

山川

回龍山在城內昂然奇秀如龍回顧登高瞻眺城郭歷歷如畫下有圓通寺

象耳山在城內一名舵樓山明天順間建元妙觀於上學使吳白華改爲象牙山

鼇脊山在城內舊名龜山向建城隍廟於上後改建文昌祠及奎星樓移城隍廟於山下學使吳白華改今

名

成山在城內一名中印山上建成山書院巴公祠均廢
連珠山在城東清江上五峰相連如貫珠亦名五峰山
宋政和中封山神爲嘉惠侯賜廟額曰永福今圯
龍首山與連珠山相接控清江之口建連珠塔於山頂
鳳凰山在城東五里形勢高聳其宛如鳳峙
椅子山在城東十五里宋開慶初郡守謝昌元移州治
於此以據險要亦名州基山俗名舊州城謠呼柳州
城土瓷器皿多出其地

恩施縣志

卷一

山川

十四

金瓦山在城東四十里巖石鱗次狀如屋瓦而色黃
石盤山在城東四十五里山頂有大石如盤
天樓山在城東五十六里山勢聳拔如危樓倚天
羊角山在城東六十里雙峰對峙亦名羚羊溪
銀頂山在城東八十里
五鳳山在城東百一十里滾龍壩五峰相連形如飛鳳
畫屏山在城東百里翠巖丹嶂排列如畫
紗帽山在城東六十里下有廟
玉峰山在城東一百二十里近畫屏山恩建交界處峰

頂有真武廟石梯鐵索攀援以上憑高視下清江如
匹練

天鷲山在城東花被村形如鷲頂亦名天鷲寨

挂榜山在城東紅土溪山如屏形壁立千仞距城一百
九十里

寨溝山在城東了沐峪距城四十里

轆頂山在城東百九十里雄偉麗壯舊名獅子山

青龍山在城東北百餘里上有洞廣數丈深二丈外圓
內方嘗有雲霧出其上亦名肚臍巖

恩施縣志

卷一

山川

十五

冲天嶺在城東百八十里突兀嵯峨勢若冲天

龜山在城東人山嶺前其地產石燕

筆架山亦名養老寨在城東戎角村後高數百丈其麓
有竹泉山館爲都人士講處

旗峯山在城東一百二十里三峯壁立高出雲表上建
真武廟

問天臺在城東青草坦聳出雲表

西山臺在城東花被村與畫屏山天鷲山連絡不絕如
雉堞然馬鞍山在西山臺之麓形如馬鞍

瑞獅巖在城東南隅城跨其上巖壁有鈞臺二字

楊平山在城東南又有龍津山黃石山

班鳩巖在城東一百里巖長五十里望之如城郭山上

卽戎角村村後山名五葆山

豬耳坡在城東北六十里有廟名普濟寺

扞山在城東北二十里阻深據高便於扞敵故名

大石嶺在城東北二百里一名仙掌嶺

了沫峪在城東北四十里

官坡在城東里許市肆鱗次爲迎候之所

恩施縣志

卷一

山川

十六

大了口在城東六十里人山嶺之面壁也其勢峭絕橫

互數十里又名長嶺

大甕坡在城東北三十里出了浴峪大道

小甕坡在城東與甕坡相近出三岔口大道

雙樹門在城東北九十里雙山並峙如門南里渡大道

活龍山在城南里許踞麒麟溪上俗呼活龍奔江今名

斷龍山

文筆山在城南五里雙峰卓然如筆亦名雙翠山山之

西有丹鳳玉女二山

五堡山踞縣東一百二十里石壁陡峭望之若城垣翠巘相連其峯若指故名

天成山在城南十五里兩峰下雲一水匝地中間橫石成橋約四五丈爲南行大道名天橋太守顧椿有詩紅崖山在城南十五里東有鼓樓砦

箐山亦名銀鑛山在城南三十里相傳舊出銀鑛西有鐵冶

羅蓋山在城南五十六里峯然數峰如覆螺杯一名螺

蓋山

恩施縣志

卷一

山川

十七

天馬山在城南五里

洪巖山在城南七十里由九拐山而上高出羣山上建真武廟俗呼小武當

金雞山在城南百四十里山產金雞故名

星斗山在城南大吉場高可摘星因名

轎頂山在城南盛家壩形似轎

照面山在城南安樂屯形如照牆

小面山在城南安樂屯北

金貓巖在城南一百二十五里地名攔牆口有巖絕高

巖半一石約長二三尺黃黑成文作伏拱勢如貓巖
脚有青石數枚若鼠俗呼金貓捕鼠此巖在天池塘
之前

相公石在城南一百三十里地名鋸子梁有巖生石筍
長三尺許清明日踏青人擲小石能中者生子必貴
翠濤山在城西南五里勢如波濤層湧山外巨石突起
數十丈有竅南北通明俗呼通明山

磨嗟山在城西南十里上有磨嗟神廟今圯

金柱山在城西南七十二里峰勢峭直其色如金

恩施縣志

卷一

山川

六

小紅山在城西里許周圍約四里平巒拖翠上有軍民

義冢

扇面山在城西三里

和尚巖在城西五里

宜山在城西五里與月臺對峙

瘦驢嶺在城西七里

先生坡在城西十五里相傳有名儒隱此

藥山在城西二十里上產藥物下瞰麒麟溪

客星山在城西二十里複嶺重嶂蜿蜒磅礴南連雪嶺

高出雲霄

猿啼山在客星山北丹巖碧嶂林木葱蒨多猿啼聲冬常積雪一名雪嶺又郡東八十里亦有猿啼山

銅甕山在城西七十里

賀山在城西三百餘里

飛鳳山在城西北郭外

銀錠山在城西北郭外山多白石如銀鑄成

鍾離山在城西產仙茅

赭馬山在城西北百一十里

恩施縣志

卷一

山川

十九

石乳山在城西北百七十里爲恩利建三縣連界處山

石層疊多生石乳

都亭山在城西北二百里崇岡深麓映帶左右下多良

田廣圍後周於此置亭州

碧波峰在城北郭外曲折逶迤蒼翠層湧望之如波濤

上有問月亭相傳李太白謫夜郎時於此把酒問月

挂榜巖在城北里許紅巖壁立宛如張榜

旗山在城北五里峰巒面面恍若旌旗

望城坡在城北二十四里高峰特出上有紫雲觀

香城山在城北七十四里山多麝故名

金樓山在城北八十里巖石層疊狀若樓臺

車下巖在城北一百四十里地名墳前懸巖壁上自成

車下二字

巾子山在城北一百六十里峰頂狀如巾

筆架山在城北百餘里三峰並峙惟中峰最高形如筆

架又有羊角山與北山相倚

朝東巖在城北文子村高數百丈右有筆架山印盒山

羊似巖在文子村東下有朝陽觀

恩施縣志

卷一

山川

二十

涼風臺在城北馬者村

分水嶺在城北百五里抵建邑界

石馬寨在涼風臺左嶺如馬形

雨龍山在馬者村層巒疊嶂巖間霧起卽雨

大巖礮在城北木貢村距城百二十里其巖高數百丈

形如連城

巒坡寨在木貢四圍如刀切旁有扇子巖

月壁巖在木貢村高數百丈

羅圈巖在木撫村距城百六十里

甌子巖在木撫形似甌晴久有白氣冲出至雨

祖師巖在木撫巖上尖峰高聳爲羣山之冠

白巖頭在城北五十里有洞十餘所

穿洞山在城北六十里山腰有洞對穿故名

五臺山在城北六十里與鷺拱凸對峙

獅子山在城北新邨形如獅踞伏山前有石若小獅遙

望之俱若掉頭回顧狀旁有山形圓而石窟雕空儼

若花藥名繡毬山

金峰山在城北七十里翠巖峭聳高入雲霄

恩施縣志

卷一

山川

三

三會驛在城北八十里

石婆峰山石峻峭藤蘿垂綠微風吹舞披拂可愛

架鷹巖在城北九十里山頂有石柱上橫一石軒昂似

鷹

放馬廠在城北百二十里石生大小馬蹄跡俗傳武侯

經此

華陀屋基在城北杉木壩之西南隔山勢崔巍上有三

峰中一峰最高踞其巔遠視城郭亭塔皆歷歷在目

山腰有洞曰龍洞其流清潔可汲

銜洞在東關外清江渡口俗傳江岸有蝦蟆石見則歲歉土人鑿此厭之

通天洞在城東十里其洞寬廠上有石竅通天內有田有溪有古碑元明時人多題咏卽木杪仙人洞

大龍洞在城東十五里內有澄潭每日子午泛潮聲聞數里通潮溪發源處歲旱禱雨多應

雨香洞在城東芷藥坪

兆兒洞在城東玉峰山旁似人腹上下相通

龍洞在城東百餘里洞深且大入里許源出不絕有田

恩施縣志

卷一

山川

三

數百畝皆賴灌溉

吶喊洞在縣東一百二十里有水自洞出奔流成溪瀉瀑布層疊而下約里許入清江洞內深廣有上廠下廠將軍柱石山之名中產硝土較勝他處蓋亦境之極幽奇者

雙龍洞在城東百十里公來壩洞水潮七日則至旱潮三日則至雨

神仙洞在城南五里洞懸半壁有丹竈石磴

影蛾洞在城南十五里天橋山下水光日影交相掩映

洞中有碑載藝文志

百節洞在城南

仙人洞在城南九十里鳳陽山下

朝陽洞在城南百里中有水清泚左右有石如鼓扣之
有聲洞外沙洲恆有神人足跡土人逢旱禱雨多應
驗

魚潛洞在城南五十里

燭孔洞城東一百二十里在五堡山之麓澗水注人伏
流無際掌燭視之覺別有一天有石叩之響若洪鍾

恩施縣志

卷一

山川

三三

又有石獅山怪石猙獰袖其小者出雖名工亦難刻
肖中產硝土謂其與吶喊洞相通云

犀牛洞在城南百二十五里舊鋪村洞門高一丈濶八
尺村多桂蘭當花放時人見洞中有牛出齧花追之
仍入洞中故名旁又一洞左右兩門相通明季村人
多避兵於此

穿洞在城西南八里亦各穿山

出水洞在城西二十里麒麟溪發源處

虎口洞在城西二十里客星山下

安司洞在城北六十里形類木魚橫穿里許兩頭石似
開張申結石乳多人物狀

馬石洞在城北五十里洞口一石形似馬

落水洞在城北五十里洞懸石鼓以石擊之有鏗鏘聲
龍洞在城北與三門洞相近洞口逼仄中濶異石疊出
多類人物象

龍洞子在城北九十餘里水從洞湧出居民引以溉田
孺星洞在城北八十里洞甚濶可容十人中有石鼓石
鐘加之成聲

恩施縣志

卷一

山川

三十四

穿洞子在城北百二十里自生石竅高丈餘往來人必
經此

穿山洞在城北六十里洞口逼仄中濶半里餘異石疊
出皆具人物象又有石筍上下相接如屋棟玲瓏可
觀

雙城洞在城北四十五里又東五十里有雙石城山下
有雙洞

落水洞在城北六十里納七里溝水伏流十里出清澗
河又郡東亦有落水洞

大龍洞在城北九十里右有小龍洞高十餘丈口甚狹
天早汲水者須輪流以入

清涼洞在城北六十里中寬濶可容千餘人水清涼故
名

烏雞籠洞在城北百二十里歲旱里人以石擊水則雨
七星洞在城北百餘里七孔併流即龍馬河發源處

爐石在城北百十里抵建邑界巖穴中一石下垂如
鐘擊之有聲下有湧泉出異魚

清江一名夷水在縣北源出縣西北羅鍋堰東南流逕

恩施縣志

卷一

山川

縣城東轉東北又東流入建始縣界又東流入宜昌
府長樂縣界又東流入荊州府宜都縣界入大江廩
君乘土船從夷水至鹽陽注今施州清江縣水一名

鹽水源出清江縣西都亭山後漢書西南夷傳夷水出巴郡

魚復縣江東南過很山縣武陵故城今長陽縣注夷水即很山

清江也水色清照十丈分沙石蜀人見其澄清因名
清江也又逕建平沙渠縣縣有巫城南岸上道五百

里其水歷縣東出焉夷水自沙渠入很山縣水流淺

狹纔得通船東逕難留城又東逕石室又東與溫泉

三水合又東逕很山故城南南對長楊溪又東逕虎灘清江自四川酉陽州屬之黔江經石砭廳過白楊渡入利川縣境至磁洞伏流三十里至七藥山紅鶴花壩復出東南流至龍潭三渡河水自西南注之至馬橋屯平溝河水自西南注之又復流數十里復出爲雪照河馬溪水自東南注之又伏流三十里至恩施縣之木撫村復出新田溪水自北流注之徑馬寨村乾坪溪水自西南流注之又十里落葉壩溪水自北流注之又十五里壓松溪水自西南流注之又十

恩施縣志

卷一

山川

里帶水河自北流注之又十五里鹽水溪水自西南流注之又五里盤龍溪水自東北流注之至府城北遙而東通潮溪水自東流注之又遠城東而南藥溪水自西南流注之麒麟溪水自西流注之巴公溪水自西南流注之入峽口五里洗爵溪水自北流注之又十里天橋河自南流注之又十五里金銀溪水自南流注之又五里爲長沙河復入峽至芷藥坪惠建河水自南流注之又二十里爲風水河又五里爲銀潭河又五里南陵渡水自北流注之又五里東遠村

水自南流注之又十五里爲忠建渡口又十里紅蘭
溪水自東南流注之至新渡壩過施州塘入建始縣
境尹家村水自南流注之又三里眠羊口水自北流
注之又三十里入宜昌府巴東縣境爲九龍潭野三
河水自西北流注之又十五里支井河水自北流注
之又二十里四渡河水自北流注之又三十里至長
樂縣之鹽井朗亭水自北流注之又六十里爲曾顏
口高家堰水自北流注之至荊州府宜都縣之清江
觜入大江

恩施縣志

卷一

山川

二十七

按書禹貢和夷底績晁氏曰和夷二水名和水今
雅州榮經縣北和川水自蠻界羅巖州東西來逕
蒙山所謂青衣水而入岷江者也夷水出巴郡魚
復縣東南過很山縣南又東過夷道縣北東入於
江

鐵溝水在城東五里一名洗爵溪

馬公泉在城東十五里舊施州地宋嘉祐中運使馬某
按部至州以城跨山不可鑿井乃相視水脈以竹引
此泉入城中公私賴之因立祠其上號馬公泉

趕場潭在城東二十五里蓮花池東濶半里許長二里
餘水深十餘丈中有大魚成羣其地先係腴田名趕
場壩嘉慶庚辰歲始積水成潭

盤龍溪在城東六十里有泉名牛鼻孔夏涼冬極溫晨
可沐面熱氣如烟痕數里綿延不斷

朝貢水在城東六十里源出宣恩縣萬里山北入清江
寨溝在城東四十八里上有古洞高數十丈里人縛木
爲架數層猿攀而上入見桑木桶四鐵鉞四圍內藏
骷髏狼籍具有茶米邑令任往驗封其洞

恩施縣志

卷一

山川

二十八

馬口河在城東九十里源出建始縣流入南里渡

銀瀑在城東百八十里斑鳩巖飛瀑如銀修篁間之望
如珠簾掩映

紅蘭溪在城東百八十里斑鳩巖下北流入清江

龍平溪在城東南二百餘里合細沙溪

木里溪在城東三百里源出長望洞曲折數百里沿溪
萬山深僻旁有平地可耕

靈陽溪在城東四百里地近鶴峯州

龍潭在城東百一十里其水自平地湧出成潭歲旱鄉

人擊潭禱雨輒應經滾龍壩伏流出南里渡

見龍溪在城東戎角村下舊名黑摩溝咸豐七年六月
有龍見於溪中鄉人因更其名曰見龍曾作記刊於
石

七渡溪在城東百六十里水南流至南里渡出兩河口
會清江

伍家河在城東二百二十里合馬溝河出眠羊口會清
江

風水壩河在城東百餘里抵建始西南界接連分水嶺

恩施縣志

卷一

山川

三九

地多窰場土質細膩陶器較他地牢固

河水坪在城東北百四十里自建邑東龍河發源過三
里壩遂爲河水坪又流入蟠龍伏至灣家寨會建邑
水至南里渡下達清江

南里渡在城東北八十五里舊志載南陵渡里字卽陵
字之訛其源自建始來渡之上流十里許有兩會口
四十里許有七渡溪六十里許有馬水河均設義渡
爲恩建交界之大道渡之下流有魚灘口老渡亦均
設渡船爲邑東入城必經之路

通潮溪在城東北南近連珠山源出大龍洞其水日消
長如潮

天橋水在城南十五里源出黃連溪合石欄溪硃砂溪
二里穿橋至芷藥坪入清江

梅溪在城南巴公溪上流里許

巴公溪在城南里許有二源一出藥山一出城南三十
里鼓樓山合於翠濤山下至城南二里入清江

乾溪在城南三十五里

黃連溪在城南七十里源出鹹池會硃砂溪入天橋河

恩施縣志

卷一

山川

三十

蝦蟆池在城南一百二十里池多蝦蟆方春水生輒跳
躑出岸間前趾變爲羽隨衆禽飛去土人常得之雀

網中

紙房溪在城南六十里源出香花嶺坡下至乾溪合斛
口水入清江

金印溪在城南三十里源出銀鑛山東流合覆盆水又
東合石板溪水北流三十里入清江

麒麟溪在城西南半里發源自西山至夏水極冷一名
冷水河繞城南而東入清江俗傳宋雍熙中有麒麟

出此因名同治二年建麟溪書院於其上

龜溪在城西七里宋時產靈龜

硃砂溪在城西南三十五里合黃連溪徑天成山石橋
下又東北流入清江

芭蕉溪在城西南五十里

九龍溪在城西南七十里源出紅巖山下東北流合清
江一名甘平溪

藥水溪在城西郭外源出西山繞城西而南入清江相
傳羽士洗藥流觴其間故名

恩施縣志

卷一

山川

三

腰帶溪在城西五里源出西山流徑宜山下南入麒麟
溪

天池在城西南九十里

菖蒲溪在城西南百九十里源出東門山西流徑歌羅
砦會黃姑溪下流合於西溪傍多菖蒲故名

冷水河在城西八里高橋壩源由西山出水洞奔流而
下溪中多奇石異形俗呼青獅白象

虎溪在城西十三里源出虎口洞逕小高橋入冷水河
龍池在城西北百六十里相傳有龍潛此

頭渡河在城西南源出咸豐縣十五里龍崗口

雪照河在城西源出彭水縣流至兩河口入清江

益泉在城北郭外一名宜泉味最甘爲縣境諸水之冠
擂鼓灘在城北五里清江經流灘聲如鼓

蟠龍溪在城北五里逕舊施州驛馬公泉下昔傳有龍
蟠於此

長堰塘在城北五里

沙河在城北二十里一自三十六荒發源一自二坡發
皆山澗匯流至城東合通潮溪下流入清江

恩施縣志

卷一

山川

三

灣潭河在城北六十里源出灌灣仙魚溪南流至衣角
壩會龍馬溪水合流入清江

龍馬溪在城北六十里發源七星洞南流逕觀音巖至
帶河入清江相傳牧馬河濱多生龍駒故名亦名沱
水

小龍潭在城北三十里有賴姓義渡

一碗水在城北七里城東三十五里亦有一碗水

帶河在城北四十里其流由八龍坪至小龍潭纏環似

帶故名

九盤溝在城北由牛渡口會帶河水入清江

馬水河在城北七十里發源貓兒洲順流數里環抱金峰山脚復潑澗十餘里會爪龍壩河出關門巖下入清江

三谿口在城北八十里

龍駒河在城北九十里東抵建始界

麂子渡在城北百里有古城隍廟相傳明季時掘出碑記因於舊址復建

官渡河在城北百五里舊名麂子渡嘉慶年安字營統

恩施縣志

卷一

山川

三三

領捐爲義渡故名係川湖要道也後渡廢始建大小二橋其水源出太陽河東流五里茨竹溝水自西流注之下出龍駒河

流料溪在城北木貢源自奉節之岔巖出下會清江深漆溝在城北木貢由雙龍寨出下會清江

大峽水在城北自大山頂下大灣西流入清江

碼料溪水由前山諸澗出西流入清江

黃峰溝水由大山頂出入清江

母豬溝水由鹿門口下入清江

龍洞灣一水曲向西流入清江

哈水溝在城北源自利川蒿枝壩南流入清江

天鷲塘水在城北自利川長欠流至小溪河又北流入

清江

鮮魚溪河在城北六十里發源石碧龍曲屈數里經馬

鹿池會爪龍壩河出關門巖

丹陽溪俗名太陽河在城北百二十里源出石乳山流

經麂子渡龍駒河又東流至大沙河下會南里渡入

清江

恩施縣志

卷一

山川

三

中建河下流入清江有渡

九渡溪在城北二百里源出四川酉陽州彭水縣石柱

司流入縣界至都亭山下又東入清江居民引此水

以溉田

會水河在城北八十里有二源一出甘水壩一出龍潭

灣合流逕楠木橋至高碑會龍馬溪河南下至衣角

壩下流入清江

嘉蓮池在城內柿子壩舊名鼓角池宋端拱元年生嘉

蓮故名道光十年邑有義紳建禦寒院於池之旁收

養孤貧殘廢至今猶存

洗馬池在城內協署西轅門左

衛塘在城內府學署右原係衛塘園池

龍岡井在城內迴龍山下圓通寺中明景泰間鑿甘冽

異常

六六井原名文明井在城內府學署中訓導李宗汾鑿

有銘載藝文志

獅子堡在城東百二十里高數十丈形如畫獅有清溪

環繞於其下旁有山名鼇頭與之並峙焉

恩施縣志

卷一

山川

三五

尖山在城北屯堡之上離城七十里形如文筆上有盤

古廟居人求嗣禱雨輒有應

古蹟

鹽水廢縣在衛城東四十里後周置縣並置資田郡隋

初郡廢大業初以縣屬清江郡明一統志清江郡鹽水後

周置縣隋地理志武德四年廢鹽水縣唐地理志

開夷廢縣去衛城六十里後周置烏飛縣隋改曰開夷

唐廢明一統志清江郡開夷後周置曰烏飛開皇初改焉

隋地理志施州清江義寧九年置開夷縣武德元年省入

唐地理志

清江廢縣在衛城東十里後 於此置清江郡隋初郡

廢置清江縣後廢明一統志唐為州治宋因之元至元十

三年省舊志稿

廢亭州在衛城東一百七十里後周置以都亭山為名

隋併為庸州徙治鹽水縣明一統志

信陵廢縣在衛城南七十里明一統志

舊施州在衛城東椅子山宋開慶間治此城基尚存湖廣

通志

恩施縣志

卷一

古蹟

三六

施州廢衛今縣治明洪武十五年置 國朝雍正六年

改為恩施縣湖北通志

施王屯在衛城南十五里輿地唐記云州有施王餘址

故以為名蓋謂此也明一統志東晉末桓元子誕竄蠻中

白稱施王築城臨施水號施王子孫襲王至後周保

定初始平之以其地置施州乃施王屯餘地方輿勝覽

問月亭在城北碧波峰上相傳李白謫夜郎嘗於此問

月明一統志

連珠塔在城東南隅五峰山之前龍首山道光十一年

知縣妣公朝綰准貢生朱榮祿楊聯綬李大魁稟請
建造石塔僅甃七層之二而止十三年署知縣陳公
肖儀銳意成之建石坊於塔前修屋數楹於塔之左
偏知府王公協夢有序載藝文志

月臺在城北門外有臺高三十丈其頂平方父老傳云

李白謫夜郎時玩月

輿地紀勝

勸農臺在城東五峰山下

舊府志稿

釣魚臺在衛城東南

明一統志

釣臺在瑞獅崖石壁鐫有釣臺二字

舊府志稿

恩施縣志

卷一

古蹟

三七

野意樓在衛治西城上指揮同知孫本建

明一統志

太白樓在北城上明撫夷同知宋洪泰建今毀址尚存

舊府志稿

按今俗呼擂鼓臺

清江樓即衛城東門樓也城四門各有樓東曰清江西

曰西順南曰南陽北曰拱北俱洪武中建

明一統志

半逸亭在衛城象耳山元妙觀之東

明一統志

宣威堂在衛治指揮僉事孫斌建

明一統志

澄清閣在城外水滸廟左

舊府志稿

白坡書屋在城南二十里鄧榎建

客星山房在城西童昶讀書處以上並見湖廣通志

仙人宅在城北七十里明一統志

砥瀾樓在府城內東南上舊衛志

大觀閣在府城南門外舊衛志

葵園在府城南門外鄉宦童大望別業舊衛志

大莫園在府城南門外鄉宦李一鳳別業舊衛志

臨流石閣在府城南五里指揮唐一麟別業舊衛志

成山書院在城內梓潼巷今廢

讀易巖在城西客星山下鄉賢童昶故蹟

恩施縣志 卷一 古蹟 三

籌邊樓在前明兵備道署即今縣署之右火圮

覽勝樓在協署東丙寅協戎王公允昌建有記

華陀屋基在城北六十里杉木壩西南隅相傳華陀曾

住此至今基址猶存

木杪仙人洞即通天洞寶祐元年有碑

神仙洞在府城東戎角上房村後岩間有活水舊衛志稿

仙人掌在衛城北新化屯大石嶺上其掌蹟大而有紋

張果崖在都會里巖間鑿孔以木為梯而上相傳張果

於此巖頂煉丹舊府志稿

廩君赤穴在衛城東八十里廩君巴務相生此

黑穴在衛城南二百里兩石並立舊府志稿

馬公泉見舊衛志

照京塘水之清濁占地方吉凶舊府志稿

詹公故宅在城內登龍橋舊府志

蠻王塞在城南六里四面峭壁惟一徑可上

觀瀾臺在城南岩石壁上刻有觀瀾二字

求雨臺在西城上

明光祿大夫孫虎墓在城北馬鹿口

恩施縣志

卷一

古蹟

三五

明懷遠將軍孫公墓在城北馬鹿口

明懷遠將軍馮輝墓在城北團山

明光祿大夫右柱國太保王昌墓在城北梧桐堡

明懷遠將軍陳載功墓在城北

武畧將軍墓在城南二十五里大壩溝碑載劉應龍字

漢臣河南襄城人崇禎辛未武魁

向輪仙冢在北鄉木貢村大鹿門輪仙洞內

南鄉羅家坳有古碑高丈餘刊大唐大觀年號相傳朱

氏祖塋

巴蔓子墓在城西北都亭山

巴公墓在城南二里昔有巴國大柵王世葬於此歷年雖多纍纍可辨

蠻王墓在城西南一百二十里又都亭鄉有巒高百餘丈巒腹有穴十二皆藏柩之所相傳爲蠻王墓

詹公墓在城南三十里硃砂溪

妯娌墳詳列女志

姊妹墳在城北十餘里申家橋邊

葛公墓在城東五里土橋咸豐十年六月初一日大雨

恩施縣志

卷一

古蹟

四

崩坍骨骸暴露朽棺中惟紗帽一頂如新貢生賴朝正易棺遷葬宅右有磚刻墓誌畧明由妣功郎諱鑿字定之號一泉原籍揚州江都人由貢途受四川江津縣三尹公蒞縣有惠政發一二奸伏稱神明告歸終養銘曰國有喬木里有源泉本實鴻漉厚於公焉公既有聲而又有子刻石誌美永遠無圯隆慶壬申孟陬外弟周誥撰

西門外小紅山義冢一處

五峰山官山義冢一處

廈坡義冢一處在城東十里民人陳光連捐
東關外烏羊壩中嶺義冢一處係邑紳朱捐施有案

恩施縣志

卷一

古蹟

聖